

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Sanctae Mechtildis virginis ordinis Sancti Benedicti Liber specialis gratiae

**Mechthild <von Hackeborn>
Mechthild <von Magdeburg>**

Pictavii, 1877

IV. De collatione animae et corporis.

[urn:nbn:de:bsz:31-60070](https://nbn-resolving.org/urn:nbn:de:bsz:31-60070)

IV. DE COLLATIONE ANIMÆ ET CORPORIS.

l. 5. **C**ORPUS meum longo languore torquetur, et anima mea [altissimis deliciis] fovetur: vidi enim Dominum meum, et ulnis meis circumplexa sum eum; ex hoc enim patitur pauperula nec quiescit; trahit [ille] et [ista] fluit, nec intra se capitur, moram non sustinens qua eam plenius amplexetur. Loqueretur libens, sed non potest; namque est mirabili majestatis unione [constricta]. Paulisper derelinquitur ut desiderio placeat, quæritque mox laudem ejus, quam ad votum nequit invenire, cunctis exponi pœnis cupiens infernalibus ut Creatoris laus ab omni creatura fieret infinita. Intuetur dilectum dicens ei: « Domine, benedic mihi, obsecro ». Ille eam rescipiens retrahit salutans verbo mellifluo, quod eloqui non prævalet humanus sermo. Tunc corpus eam sic alloquitur: « Dic nunc ubi fueris, jam enim virtus deficit membris meis. » « Tace, stultum, ait illa, ego dilecto meo adhærebo tuæque mortis pœnas non curabo. Ille super me gaudet, ego pro eo torqueor; hoc est ejus tormentum; utinam ab hoc nunquam liberer. Hoc te tormentum arripiat et nunquam id effugias. Amen. »

l. 7. *Sic maledixit mihi Dominus dicens:* « Corpus tuum moriatur: sermo [obmutescat], oculi tenebrescant, cor tuum effluat, anima tua ascendat. Corpus tuum *adhuc in terra* maneat, sensus corporeus evanescat, spiritus tuus sanctæ Trinitati assistat. »

l. 8. O tu mons ardens, o tu sol electe, o tu luna plena, o tu fons absque fundo; [o altitudo inattingibilis], charitas inaccessibleis, [sapientia usque profundissima,] misericordia inexoptabilis, fortitudo invincibilis, corona venerabilis, te laudat homo miser et humilis.

l. 9. Habitantes in summitate veræ charitatis, ædificantes supra petram immutabilis veritatis, fructificantes perseverantiam in perfectione operum pietatis, hi in excelsis habitant. [Glosa: id est, supra Seraphim.]

l. 10. Mundi triumphans vanitatem carnisque illecebrosam voluntatem, ac diabolicam perversitatem, Deum vere diligit, quem nec mundi adversitas, nec carnis infirmitas, nec diaboli frangit crudelitas; amat enim, amorque vincet, vincit omnia.